

**Razvojna banka Federacije
Bosne i Hercegovine
v.d. Predsjednik Uprave**

Broj: 9264-III/24
Sarajevo, 31.07.2024. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", broj: 39/14 i 59/22), Zapisnika Komisije o pregledu i ocjeni konačne ponude broj: 9127-XI/24 od 29.07.2024. godine, člana 20. Statuta Razvojne banke Federacije Bosne i Hercegovine (u daljem tekstu: Banka), u postupku javne nabavke SWIFT usluga putem SWIFT servis biroa za potrebe Razvojne banke Federacije BiH, donosim

**ODLUKU
o izboru ponuđača za nabavku SWIFT usluga putem SWIFT servis biroa
za potrebe Razvojne banke Federacije BiH**

Član 1.

Prihvata se konačna ponuda ponuđača CIS d.o.o. Novi Sad, Bulevar Oslobođenja 88, 21000 Novi Sad, Republika Srbija, broj ponude: 1/2024 od 19.07.2024. godine u postupku javne nabavke putem pregovaračkog postupka bez objave obavještenja o nabavci, za nabavku SWIFT usluga putem SWIFT servis biroa za potrebe Razvojne banke Federacije BiH za period od 12 mjeseci (28.06.2024. - 27.06.2025. godine).

Član 2.

Ukupna cijena konačne ponude iznosi 29.040,00 EUR bez PDV-a (protuvrijednost 56.797,30 KM bez PDV-a), što u konačnici s uračunatim PDV-om iznosi 33.976,80 EUR (protuvrijednost 66.452,84 KM sa uračunatim PDV-om).

Član 3.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu Odluku na svojoj web stranici www.rbfbih.ba, istovremeno s upućivanjem iste ponuđaču koji je sudjelovao u ovom postupku.

Član 4.

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama BiH.

Član 5.

Za realizaciju ove Odluke zadužuje se Sektor za podršku poslovanju.

OBRAZLOŽENJE

Odlukom broj: 7308-III/24 od 13.06.2024. godine pokrenut je postupak javne nabavke SWIFT usluga putem SWIFT servis biroa za period od 12 mjeseci (28.06.2024. – 27.06.2025. godine).

Shodno navedenom, a u skladu sa članom 28. stav (4) Zakona o javnim nabavkama BiH (“Službeni glasnik BiH”, broj: 39/14 i 59/22), Razvojna banka Federacije BiH je na portalu javnih nabavki objavila informaciju o nabavci putem pregovaračkog postupka bez objave obavještenja, za nabavku SWIFT usluga putem SWIFT servis biroa za period od 12 mjeseci i to sa ponuđačem CIS d.o.o. Novi Sad, ul. Bulevar oslobođenja br. 88, 21000 Novi Sad, Republika Srbija.

Pregovarački postupak bez objave obavještenja o javnoj nabavci provodi se u skladu sa članom 21. stav 1. tačka c) Zakona o javnim nabavkama BiH, jer svaka promjena pružaoca usluge donosi troškove migracije zamjene dijela opreme i konfiguracije, kako opreme za rad i komunikaciju sa Biroom tako i opreme i softvera unutar Banke, te se radi o tehničkoj usluzi za ključnu aktivnost Banke - platni promet sa inostranstvom, te prekid u pružanju predmetnih usluga ne smije biti dopušten.

Informacija o pregovaračkom postupku bez objave obavještenja o nabavci objavljena je na Portalu javnih nabavki dana 14.06.2024. godine, broj: 1011-4-2-128-20-4/24. Tenderska dokumentacija objavljena je zajedno sa navedenom informacijom, te su 3 (tri) ponuđača preuzela istu.

Ponuđač CIS d.o.o. Novi Sad, u utvrđenom roku je dostavio zahtjev za učešće sa kvalifikacionom dokumentacijom, nakon čega je Komisija imenovana Odlukom Ugovornog organa broj: 7309-III/24 od 13.06.2024. godine sačinila Zapisnik o rezultatu pretkvalifikacije kandidata broj: 8017-XI/24 od 01.07.2024. godine, te je na osnovu istog donesena Odluka o rezultatima pretkvalifikacije u pregovaračkom postupku bez objave obavještenja za nabavku SWIFT usluga putem swift servis Biroa, broj: 8039-III/24 od 02.07.2024. godine.

Odlukom o rezultatima pretkvalifikacije broj: 8039-III/24 od 02.07.2024. godine, konstatovano je da je ponuđač CIS d.o.o. Novi Sad kvalifikovan za izvršenje SWIFT usluga posredstvom SWIFT servis biroa za period od 12 mjeseci.

S tim u vezi, dana 09.07.2024. godine, na Portalu javnih nabavki objavljen je Poziv za dostavljanje početne ponude. Rok za podnošenje Početne ponude je bio 12.07.2024. godine do 14:00 sati.

Ponuđač CIS d.o.o. Novi Sad je dostavio početnu ponudu dana 11.07.2024. godine. Nakon dostavljanja početne ponude u utvrđenom roku, Komisija za nabavke imenovana Odlukom broj: 8037-III/24 od 02.07.2024. godine o dopuni Odluke broj: 7309-III/24 od 13.06.2024. godine, sačinila je Zapisnik o pregledu i ocjeni početne ponude broj: 8521-XI/24 od 12.07.2024. godine, a ponuđaču CIS d.o.o. Novi Sad je dana 12.07.2024. godine dostavljen poziv za pregovore.

Pregovori su održani 16.07.2024. godine u 12:00 sati, a Zapisnikom o pregovorima broj: 8663-XI/24 od 16.07.2024. godine, konstatovano je da cijena početne ponude iznosi 29.040,00 EUR bez PDV-a (protuvrijednost 56.797,30 KM bez PDV-a) i ista se neće mijenjati u konačnoj ponudi.

Slijedom naprijed navedenog, na Portalu javnih nabavki je dana 18.07.2024. godine objavljen Poziv za dostavljanje konačne ponude.

Rok za podnošenje konačne ponude je bio 26.07.2024. godine do 12:00 sati, a ponuđač CIS d.o.o. Novi Sad je dostavio konačnu ponudu dana 22.07.2024. godine.

Komisija za nabavke je dana 26.07.2024. godine izvršila otvaranje, pregled i ocjenu konačne ponude, te je u svom Zapisniku o pregledu i ocjeni konačne ponude broj: 9127-XI/24 od 29.07.2024. godine, konstatovala da je konačna ponuda ponuđača CIS d.o.o. Novi Sad prihvatljiva, sadrži sve podatke i dokumentaciju, u skladu sa zaključcima sa pregovora.

U postupku donošenja ove Odluke, posebno su cijenjene činjenice da je Komisija za predmetnu nabavku u postupku javne nabavke SWIFT usluga putem SWIFT servis biroa, pravilno i potpuno izvršila ocjenu kvalificiranosti ponuđača, te pregled i ocjenu ponude.

Uvažavajući sve prethodno navedeno, a prvenstveno činjenicu da ugovaranje SWIFT usluga putem SWIFT servis biroa sa bilo kojim drugim pružaoцем usluga nije moguće zbog ranije definisanih razloga, te da je ponuda ponuđača prema kriteriju za izbor ponude (najniža cijena) ocijenjena prihvatljivom, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba najkasnije u roku od 10 (deset) dana od dana prijema Odluke saglasno članu 97., 99. i 101. Zakona o javnim nabavkama BiH.

 v.d. Predsjednik Uprave
Borislav Trlin


Dostaviti:

- Učesniku u postupku